



REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD CIVIL SERVICE OF KOSOVO



Priluar / Dorezuar Prilijen/Prudato Received/Delivety	29.08.2022	2	viti god year
Organ /Njësia Organ /Jednica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKPM/SHCK	5015/2022		115



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.622/2022

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin dhe vendosjen e ankesave i përbërë nga: Eshref Shabani-kryetar, Ardita Haxhnikaj-Demi dhe Arben Mehmeti-anëtarë, me Flakron Gashi-Zyrtar i Lartë për Bashkëpunim Profesional, në cilësinë e procesmbajtësit, ka shqyrtuar ankesën A.nr.622/2022 të datës 15.07.2022 të ankuesit

i përfaqësuar nga Avokati me adresë:

...në Komunën e Prishtinës, kundër Vendimit me numër Ret: 411/2022 të Zëvendës/Kryeministres dhe Ministres së Ministrisë së Punëve të Jashtme dhe Diasporës i datës 30.06.2022, në çështjen juridike "Ndërprerje e marrëdhënies së punës", duke vepruar në pajtim me nenin 6 paragrafin 1 nën paragrafin 1.1, dhe nenin 18 paragrafin 1 nën paragrafin 1.9 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim me datë 29.08.2022, mori këtë:

V E N D I M

PEZULLOHET procedura administrative e nisur sipas ankesës A.nr.622/2022 të datës 15.07.2022 të ankuesit

A r s y e t i m

Ankuesi i punësuar në Ministrinë e Punëve të Jashtme dhe Diasporës, përmes përfaqësuesit të tij me datë 15.07.2022 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, kundër vendimit me numër ref:411/2022 të Zëvendëskryeministres dhe Ministres së Ministrisë së Punëve të Jashtme dhe Diasporës të datës 30.06.2022 lidhur me ndërprerjen e marrëdhënies së punës, me pretendimet ankimore se me rastin e nxjerrjes së vendimit të ankimuar ka shkelje flagrante së dispozitave të procedurës administrative dhe dispozitave të ligjit material.

Po ashtu, përfaqësuesi i autorizuar i palës ankuese me datë 25.07.2022 ka parashtruar shkresë në Këshill me kërkesën që të pezullohet konkursi i shpallur nga Ministria e Punëve të Jashtme dhe Diasporës i datës 01.07.2022 për rekrutimin e 32 pozitave Zyrtar i Misionit Diplomatik, pasi që ankuesi para se të shkarkohet nga vendi i tij i punës ka mbajtur një pozitë të tillë dhe vazhdimi

rekrutimi eventual para se ankesa e ankuesit të trajtohet meritorisht të njëjtit do t'i shkaktonte dëm të pariparueshëm.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr. Nr.02/2018 për Procedurën e Shqyrtimit dhe Vendosjes së Ankesave, ankesën e ankuesit e ka proceduar me datë 25.07.2022 për përgjigje në ankesë në Ministrinë e Punëve të Jashtme dhe Diasporës. Këshilli, ndërsa Këshilli me datë 03.08.2022 ka pranuar përgjigjen në ankesë nga Ministria e Punëve të Jashtme dhe Diasporës, se bashku me shkresat e bashkëngjitura të lëndës.

Kolegji për shqyrtimin dhe vendosjen e ankesave, ka administruar këto prova: Ankesën e ankuesit të parashtruar me datë 15.07.2022 në Këshillin e Pavarur Mbikëqyrës për Shërbimin Civil të Kosovës e protokolluar me numër:4149/2022; Autorizimin e datës 01.07.2022; E-mailin e datës 02.02.2012 dërguar nga A.D për ankuesin dhe të tjerët; E-mailin e datës 07.02.2012 dërguar nga A.D për ankuesin dhe të tjerët me korrespondencën e bashkangjitur prej 3 faqesh; E-mailin e datës 30.01.2012 dërguar nga A.D për ankuesin dhe të tjerët; E-mailin e datës 02.06.2012 dërguar nga Zyra e Personelit të MPJ-së për ankuesin; Njoftimin për pjesëmarrje në intervistën me gojë; E-mailin e datës 27.01.2012 dërguar nga Zyra e Personelit të MPJD-së për ankuesin; E-mailin e datës 09.02.2012 dërguar nga A.D për ankuesin dhe të tjerët; E-mailin e datës 30.01.2012 dërguar nga ankuesi për A.D; Vendimin me numër ref:627/2013 të Ministrit të Ministrisë së Punëve të Jashtme i datës 30.12.2013; Vendimin me numër:ZSP-114/2016 të Sekretarit të Përgjithshëm të Ministrisë së Punëve të Jashtme i datës 20.09.2016; Akt emërimit e ankuesit të datës 08.11.2016; Vendimin me numër:ZSP-29/2017 të Sekretarit të Përgjithshëm të Ministrisë së Punëve të Jashtme i datës 14.03.2017; Ndryshimin dhe plotësimin e aktit të emërimit me numër Nr-203/2017 i datës 17.03.2017; Vendimin me numër ref:201/2018 i Zëvendës Kryeministrit dhe Ministrit të Ministrisë së Punëve të Jashtme i datës 30.03.2018; Vendimin me numër ref:738/2018 Zëvendës Kryeministrit dhe Ministrit të Ministrisë së Punëve të Jashtme i datës 26.11.2018; Notën Verbale të datës 11.09.2020 me numër prot:1694 dhe Ref: ZDP/112/2020; Vendimin me numër Ref:135/2022 të Zëvendëskryeminstres dhe Ministres së Ministrisë së Punëve të Jashtme dhe Diasporës i datës 14.03.2022; Vendimin me numër Ref:104/2022 të Zëvendëskryeminstres dhe Ministres së Ministrisë së Punëve të Jashtme dhe Diasporës i datës 02.03.2022; Vendimin me numër ref:411/2022 të Zëvendëskryeminstres dhe Ministres së Ministrisë së Punëve të Jashtme dhe Diasporës i datës 30.06.2022; Kërkesën për përgjigje në ankesë të datës 25.07.2022; Përgjigjen në kërkesë të datës 03.08.2022; Vendimin me numër Ref:112/2022 të Zëvendëskryeminstres dhe Ministres së Ministrisë së Punëve të Jashtme dhe Diasporës i datës 04.03.2022; E-mailin e datës 27.01.2021 dërguar nga A.G.K dërguar në Këshill me korrespondencën e bashkangjitur; Vendimin e datës 21.07.2011 për shpalljen e konkursit nga Ministri i Ministrisë së Punëve të Jashtme; Listën e kandidatëve aplikues për misione diplomatike e periudhës gusht 2011; Listën e kandidatëve aplikues për misione konsullore e periudhës gusht 2011; Vendimin e Këshillit A.nr.365/2022 të datës 10.06.2022; Mendimin Mospajtues nga anëtari i Kolegjit të Këshillit për Vendimin e Këshillit A.nr.365/2022 të datës 10.06.2022; Vendimin e Këshillit A.nr.278/2020 të datës 16.11.2020; Vendimin e Këshillit A.nr.263/2022 të datës 19.04.2022; Vendimin e Këshillit A.nr.917/2021 të datës 29.12.2021; Vendimin e Këshillit A.nr.301/2021 të datës 20.05.2021; Ankesën e datës 28.07.2022 të parashtruar nga palët në Gjykatën e Apelit të Kosovës përmes Gjykatës Themelore në Prishtinë-Departamenti për Çështje Administrative me numër A.nr.1687/2022;



Kolegji për shqyrtimin dhe vendosjen e ankesave, për vendosjen e kësaj çështje ka shqyrtuar të gjitha shkresat e lëndës të parashtruara nga palët dhe ka konstatuar se ka bazë të mjaftueshme ligjore si dhe ekzistojnë rrethana të reja të cilat e plotësojnë kushtin që vendimmarrja për lëndën A.nr.622/2022 të ankuesit *ë pezullohet, sepse:*

Kolegji për Shqyrtimin dhe Vendosjen e Ankesave në bazë të shkresave të lëndës ka konstatuar se ankuesi ka qenë i punësuar respektivisht e ka themeluar marrëdhënien e punës në Ministrinë e Punëve të Jashtme sipas Vendimit me numër Ref:627/13 të Ministrit të Ministrisë së Punëve të Jashtme i datës 30.12.2022, ndërsa së fundi sipas Vendimit me numër Ref:135/2022 të Zëvendës/Kryeministres dhe Ministres së Ministrisë së Punëve të Jashtme dhe Diasporës i datës 14.03.2022 i ishte vazhduar mandati të shërbejë në Konsullatën e Republikës së Kosovës në New York/SHBA me gradën diplomatike *Këshilltar* deri me datë 31.10.2022.

Po ashtu, Kolegji i Këshillit ka konstatuar se Zëvendës/Kryeministrja dhe Ministria e Ministrisë së Punëve të Jashtme dhe Diasporës përmes Vendimit me numër Ref: 411/2022 të datës 30.06.2022 e ka shfuqizuar aktin e themelimit të marrëdhënies së punës së ankuesit, respektivisht Vendimin me numër ref:627/13 të Ministrit të Ministrisë së Punëve të Jashtme i datës 30.12.2022, Vendimin me numër Ref:201/2018 i datës 30.03.2018 përmes të cilit ishte caktuar të shërbejë në Konsullatën e Republikës së Kosovës në New York/SHBA me gradën diplomatike *Sekretar i Par* dhe po ashtu e ka shfuqizuar edhe Vendimin me numër Ref:135/2022 të datës 14.03.2022 përmes të cilit ankuesit i ishte vazhduar mandati të shërbejë në Konsullatën e Republikës së Kosovës në New York/SHBA me gradën diplomatike *Këshilltar*.

Ankuesit, *ë është ndërprerë marrëdhënia e punës përmes Vendimit me numër Ref: 411/2022 të datës 30.06.2022 me arsyetimin se: konkursi i shpallur me datë 22.07.2011 nga Ministria e Punëve të Jashtme sipas Vendimit Nr.140/11 të Ministrit të MPJ-së i datës 21.07.2011 për pozitat Anëtarë të Personelit Diplomatik, nuk ka pasur shpallje të rezultateve përfundimtare, rrjedhimisht procedurat ligjore për të përmbyllur një konkurs të tillë nuk ishin përfunduar dhe kështu nuk kishte kandidatë të pranuar në Shërbimin të Jashtëm, andaj meqenëse konkursi nuk ishte përmbyllur dhe nuk kishte kandidatë të pranuar, Vendimi i datës 30.12.2013 me numër reference:627/13 nga Ministri i Ministrisë së Punëve të Jashtme përmes të cilit ankuesi është emëruar anëtarë i Shërbimit të Jashtëm të Republikës së Kosovës është nxjerrë në kundërshtim me Ligjin Nr.03/L-122 për Shërbimin e jashtëm të Republikës së Kosovës, Ligjin Nr.03/L-044 për Ministrinë e Punëve të Jashtme dhe Shërbimin Diplomatik të Republikës së Kosovës, Ligjin Nr.03/L-149 për Shërbimin Civil të Republikës të Kosovës si dhe në kundërshtim edhe me Ligjin Nr.02/L-28 për Procedurën Administrative*

Kolegji për Shqyrtimin dhe Vendosjen e Ankesave thekson faktin se Këshilli përmes Vendimit me numër A.nr.365/2022 të datës 10.06.2022 me shumicë votash kishte vendosur të shpallet jo kompetentë për të shqyrtuar ankesat e ankuesve:

dhe
ndërsa për vendimin në fjalë njëri nga anëtarët e Kolegjit të Këshillit kishte paraqitur në formë të shkruar mendim mospajtues për natyrën e vendosjes i cili në Këshill është i evidentuar me shenjë A.nr.356/2022 i datës 10.06.2022 dhe numër protokolli:3386/2022. Andaj, bazuar në të dhënat me provat e bashkangjitura të dosjes së ankesave të ankuesve të bashkuara në ankesën A.nr.365/2022 dhe shkresave të lëndës së ankesës së ankuesit

A.nr.622/2022, Kolegji i Këshillit konstaton se arsyet e dhëna në vendimet e Zëvendës/Kryeministres dhe Ministres së Ministrisë së Punëve të Jashtme dhe Diasporës ne



rastin e ndërprerjes së marrëdhënies së punës të ankuesve të evidentuar sipas Vendimit të Këshillit me shenjë A.nr.365/2022 janë specifikisht të njëjta sikurse rrethanat faktike dhe baza ligjore mbi bazën e të cilave është nxjerrë Vendimi me numër Ref: 411/2022 i datës 30.06.2022 përmes të cilit ankuesit i është ndërprerë marrëdhënia e punës.

Përfaqësuesit e autorizuar të palëve kundër Vendimit të Këshillit me numër A.nr.365/2022 të datës 10.06.2022 kanë parashtruar padi në Gjykatën Themelore në Prishtinë-Departamenti për Çështje Administrative, ndërsa kjo e fundit me datë 05.07.2022 ka nxjerrë Aktvendimin A.nr.1687/2022 përmes të cilit e ka shpallur vetën jo kompetent në pikëpamje të kompetencës lëndore, ndërsa pasi që i njëjti aktvendim të merr formë të prerë, lëndën do ta përcjellin në Departamentin e Përgjithshëm të Gjykatës Themelore në Prishtinë-Divizionit Civil, mirëpo përfaqësuesi i palëve paditëse kundër Aktvendimit A.nr.1687/2022 të Gjykatës Themelore në Prishtinë-Departamenti për Çështje Administrative, me datë 28.07.2022 ka parashtruar ankesë në Gjykatën e Apelit të Kosovës.

Meqenëse në Gjykatën e Apelit të Kosovës është e parashtruar një ankesë ndërlidhur me natyrën vendimmarrëse, gjegjësisht kundër Aktvendimit A.nr.1687/2022 të Gjykatës Themelore në Prishtinë-Departamenti për Çështje Administrative lidhur me Vendimin e Këshillit A.nr.365/2022 përmes të cili Këshilli ishte shpallur jo kompetent për të shqyrtuar ankesat e ankuesve të cilëve iu ishte ndërprerë marrëdhënia së punës nga ana e Zëvendës/Kryeministres dhe Ministres së Punëve të Jashtme janë specifikisht të njëjta sikurse rrethanat faktike dhe baza ligjore mbi bazën e të cilave është nxjerrë Vendimi me numër Ref: 411/2022 i datës 30.06.2022 përmes të cilit ankuesit i është ndërprerë marrëdhënia e punës, andaj Kolegji i Këshillit në mbështetje të nenit 85 paragrafi 1 të Ligjit Nr.05/L-031 për Procedurën e Përgjithshme Administrative i cili përcakton se: *"Kur organi publik që zhvillon procedurën has në një çështje, zgjidhja e së cilës është parakusht për zgjidhjen e çështjes kryesore dhe e cila përbën një çështje juridike të pavarur (në vijim: "çështje paraprake"), për zgjidhjen e së cilës është kompetente një gjykatë apo organ tjetër, organi publik që zhvillon procedurën do të pezullojë çështjen kryesore, deri sa çështja paraprake të jetë vendosur dhe do të njoftojë palën për vendimin e pezullimit"*, konstaton se ekzistojnë rrethana të mjaftueshme që shqyrtimi i lëndës A.nr.622/2022 të pezullohet deri në vendosjen përfundimtare nga Gjykata e Apelit, pasi që objekti i shqyrtimit (*ndërprerja e marrëdhënies së punës duke iu referuar procedurave të rekrutimit sipas konkursit të datës 22.07.2011 të shpallur nga MPJ*) respektivisht baza ligjore dhe rrethanat mbi të cilat është nxjerrë Vendimi i datës 30.06.2022 me Ref: 411/2022 nga Zëvendës/Kryeministrja dhe Ministrja e Ministrisë së Punëve të Jashtme dhe Diasporës janë të njëjta dhe shërben si parakusht për zgjedhjen e çështjes kryesore.

Këshilli i Pavarur Mbikëqyrës i Shërbimit Civil të Kosovës, pas vendosjes së rastit nga Gjykata e Apelit të Kosovës dhe përfundimit të çështjes në instanca gjyqësore, sipas ankesës kundër Aktvendimit A.nr.1687/2022 të Gjykatës Themelore në Prishtinë-Departamenti për Çështje Administrative dhe padisë së përfaqësuesit të palëve kundër Vendimit të Këshillit A.nr.365/2022 të datës 10.06.2022, Këshilli sipas detyrës zyrtare do të aktivizojë dhe do të vendos edhe për lëndën A.nr.622/2022 të ankuesit e datës 15.07.2022.

Andaj, pas analizimit dhe vlerësimit të gjitha shkresave të lëndës si dhe duke u bazuar nënin 6 paragrafi 1 nën paragrafi 1.1 dhe nënin 18 paragrafi 1 nën paragrafi 1.9 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës si dhe në mbështetje të nenit 85 të

Ligjit Nr.05/L-031 për Procedurën e Përgjithshme Administrative, Kolegji vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

Këshilli i Pavarur Mbikëqyrës për Shërbimin Civil të Kosovës
Lënda me numër A.nr.622/2022

Flakron Gashi


Zyrtar i Lartë për Bashkëpunim Profesional

Eshref SHABANI


Kryetar i Kolegjit



Vendimi i dërgohet:

- Përfaqësuesit të ankuesit, Avokatit
- Sekretarit të Përgjithshëm të Ministrisë së Punëve të Jashtme dhe Diasporës ;
- Udhëheqësit të Personelit në Ministrinë e Punëve të Jashtme dhe Diasporës;
- Arkivit të KPMSHCK-së.

